

冬十月罷交趾屯兵

三十七年廉郡大稔舉一歲之稔而他歲之歉可知

是歲十月交南寇平按翁富翁同之渠魁不為授首黎黨莫黨之矯

譎各恃異心陽襲入貢之跡陰肆跳梁之禍可令全盛之世有此耶且調二粵之兵

裹千里之糧討賊于巨浸之外得不償失言投獻者大都我之情耳安得漫不加

意也耶

三十八年秋九月廉州境內蟲傷禾稼東堂鄉更

甚

命復欽州守備增兵防守大營龍門牙山防城每營增兵五百

各

四十年二月合浦菊有花三月芙蓉亦花芙蓉

春月皆陰盛陽微之象芙蓉皆秋卉資陰氣而花於

夏六月早禾大熟斗米四分十月大稔山海高下之田

無處不熟前年蝗蝻食禾稻子落盡民幾無種今年土中生苗成實與反土而苗者

同收郊原山谷露積倉盈民有數歲逋負稱貸者多賴償之

四十一年三月麥大熟四月菽大稔民食益裕

合浦文昌塔成廉之西南隅無岡江流斜去形家所忌民無貯蓄科目亦

參乃請于撫按造塔以鎮之議將審料備用再計襍稅之羨而數用是敷乃成塔名

文昌取丁火文明之義也址于城南之西
累層七高丈十貫以階升外肩以環道翼
以扶欄朱碧輝映時有錚錚之聲峭直如
文筆固一郡之秀也糜金八百有奇

六月彝人張克敬舟泊洋外自稱安南譯者

奉貢獻假道於欽州副總兵楊應春往詰克

敬賦詩以遺之

詩曰將軍素有富韜於真將
桓桓武服嚴細柳營屯增土

氣前矛令肅駭人瞻式車天子形中敬牧
馬胡兒絕外規彼賊窺覷兒戲耳曾如智
勇獨公兼應春依韻答云譯使還能請虎
鈴須知順治與威嚴日南銅柱予曾勒海
北金湯爾自誇華夏自寬藩國體封疆肯
使外彝覩歸時好奏尊王畧方信文修武

兼亦

四十六年廉大饑

斗米三錢

秋八月白氣竟天

長數十丈形如大刀自東竟西經月始散

四十七年復饑且疫

是歲遼餉始編

天啟元年大水

二年冬十一月彗見

有大星如斗尾帶數十星狀如連珠從東北飛

至西南而沒時已黃昏光明照耀樹木屋舍皆可辨

三年正月元夜月明如晝暎環五色

冬西門外火燬古橋及兩岸居民數百家

是年裁照磨併合浦主簿批驗等官

改建理刑衙門於照磨所

改建本道公署於分司

四年荆建接龍陰橋

橋近海角亭蓋形家以爲下鎖水口也然往來

苦於紆迴
亦即廢焉

五年石康建塔

七年改建府縣學於舊道署基

兩學共一文廟開文明門

以振
文風

崇禎元年海北道增設轅門標兵三百名

建學道衙門

改軍器局新之

一年珠螺飄集連地

合浦珠蚌從來生於珠海六池此外無有也至

天啟年間遂稀絕人謂珠去矣及崇禎三

四年間大發於西如那隆官井中珠海去

蛋人網魚處不遠近海愚民守海營官公

然盜珠檣檣相擊指揮劉維煨百戶楊壽

祖皆坐此戍遣遺贓千餘累海上諸蛋知

府鄭抱素為民請命比例求豁焉始珠之

還也人競趨之如驚未幾喪身破家鬻妻

子者踵相接矣近來還珠亭有詩云此珠

萬命沉波底爭似當年去不還肯哉言平

五年夏四月白氣繞日三日始沒

水盜兆矣

五月流賊數百劫西場

去城四十里之遙迨官兵至而賊遁矣

七年秋七月大水

河水漫城城內水深三尺乘舟以行民舍田土城垣

衙墻傾壞無算知府歐陽燿同知劉允繼
申詳本道劉議料價修復

八年夏四月海寇平

海寇劉香流毒三省猖獗七年致惠潮守巡道

二叅將登舟挾雷都御史熊倂示招撫以
綏其勢密檄福建五虎總兵鄭芝龍會勦
賊艦羣繞死戰芝龍奮力一鼓殲之餘党
悉平前此俱以撫貽患有此一勦率土頌
功

夏徂秋廉郡霪霖大潦

水勢雖視七年稍減然久雨城垣崩卸更

甚知府鄭抱素申詳巡道張議
料價無幾并捐俸修復

詔行府州縣積穀十抽三解助邊餉 扣生

員優免銀助餉

教忠也除生員本身一
丁外餘暫徵一年解京

冬十一月詔舉天下德行士民

着兩京三品以上官於進

士舉貢監中舉堪任知府者一人着五品

以上及翰林科道撫按司道府官於舉貢

監吏士民中舉堪任知縣者

一人送部彙進一體除授

九年廉州大饑

以連年大水米價騰湧斛米千錢

三月流賊百餘劫那隆

去府城四十里時道府州縣官俱往雷州

赴按院考察賊益乘我之虛也官兵周忠

琦等運運不前致哨官麥天成與其卒死

焉兵備張國經祭而恤之因嚴緝賊首

梁老鼠李相庄等數十人正法

夏六月六日颶風大作

拔樹翻椽傾墻倒壁衙舍俱頽自辰至未

不止而大雨如注耆老皆云有生儘見

屬夷目潘富涯刦殺販夷商人把總陳仁擒

之

按潘富涯雖有不赦之罪陳仁不奉命而
入夷地擒捕實多非行所無事也張齊賢
言於太宗曰自古疆場之難非盡由夷秋
也亦邊吏擾而致之若沿邊諸寨撫御待
人則邊鄙寧矣太平與國中詔天下沿邊
禁戍卒毋得侵擾外境真安邊長策也

秋詔天下官員免覲

惜費也

詔天下勤王

七八月間京城昌平
雄縣等處有警

十七年甲申春三月山賊刦掠石康墟山防

同知劉振秀追捕帶兵至蒙屯賊退乃還

是年

因缺兵防守

開文明門

國朝

順治四年丁亥春二月我

大清遣總兵馬漢帥師開廉州明故指揮張烈死

之

秋七月初一日明故宗室鎮國將軍朱統鑿圍

廉城至十月十五日城陷按鑿係故明右城王之裔

五年戊子明故宗室鎮國將軍朱統鑿至靈山

縣見殺其麾下葬之於縣東北三里許黃第山下英靈不滅顯應異常土人祀之

今尤加敬